



ATASSUT

UPA14/169-1

Knud Kristiansen

13.05.2014

**Issittoq atomip nukinganik atuiffiunngitsoq pillugu politikkimik suliniuteqaqqullugit
Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Sara Olsvig, Inuit Ataqtigiiit)

Ataaseq tassaavoq qernertunik tujuululersorluni inuiaqtigiiit aatsitassarsiornikkut siuarsarneqarnissaannik siunertaqartunut Inatsisartut ataatsimiittarfiat akerliussutsimik takutitsiffigineqarnera, alla tassaavoq nunat tamalaat akornanni suleqatigiinnerup inerisitaqarfiusinnaanerani unissaasutut pasinarsarineq imminullu inuusuttutut tamanut akerliusutut pissusilersorniarnaq.

Taamak sakkortugineqarsinnaasumik ATASSUT-mit siunnersuut manna oqaaseqarfigaarput, piffissami sivitsortumi siunnersuuteqartoq partiaalu inuiaqtigiiit aqqissuussaanerannut qinersinerup kingorna atuutilersumut akerliuernerminnut timitalersuinerat sammivimmut ataasiinnaasutut misinnarsisumut tunngassuteqarmat.

ATASSUT-mit pasillerneq ileqqorinngilarput, suleqatigiinnerup angusaqarfiunissaa upperalugu aqutissarsiuuttarparput, aamma atomip nukinganut tunngatillugu!

Atomip nukinga atorlugu sakkussiarsuit aammalu atomip nukinga atorlugu nukissiuutit inuiaqtigiiit kalaallit akerlilersorlugit ataatsimoortumik isumaqtigiissuteqassasugut Inuit Ataqtigiiit siunnersuutini arlalinni upernaq manna aqutissiuiniarnerat inuiaqtigiiit ajornartorsiutaannut itinerungaartunut samminninnissamik pingaarnersiunermi kingulliutitsinertut ATASSUT-mit nalilerparput.

Taamatut naliliisariaqarpugut sulisartut ulluanni aammalu tamatuma malitsigisaanik nutaarsiassani matuminnga siunnersuuteqartup partiiata siulittaasua allaat aatsitassat qaqutigoortut uranitallit piiarneqarsinnaalernerannut tunngatillugu Sulinermik Inuussutissarsiuteqartut Kattuffiata



Siulittaasuata nuannaarutiginninneranut tapersiilluni oqaaseqarnera nunatsinni aatsitassarsiornerup tungaatigut suleqatigiinnerulernermik kinguneqassasoq isumaqaleraluaratta perianngitsoq oqaatsini utertillugit akerliusutut inisseqqimmat.

Atomip nukinga pillugu nunarsuarmioqatigiit isumaqatigiissuteqarput, soorunami nunaqarpoq naalagaaffeqarlunilu nunarsuarmioqatigiit paaseqatigiinnerannit allaanerusumik isummersimasunik aqunneqarsinnaanngiusartumillu pissusilersortunik, assersuutigiinnarlugu Iran-imi uuliamik pinngitssuisinnaannginneq millisarniarlugu atomip nukinganik atuilluni nukissiornissamik pilersaaruteqartoqarnera nunarsuarmioqatigiinnit annilaanngatigineqarpoq isumaqartoqarluni nukissiorfiit patsisaaginnartut sakkussiornissamut aqutissiuussinermi.

Pasisaqattaannerit nunatullu ataasiakkaatut annikitsuaqqamik sunniuteqarsinnaasutut sunniuteqarsinnaanngivissortutulluunniit inissisimagaluarluni akerliuniarneq angusaqarfiungaarnaviannngitsoq ATASSUT-mit isumaqarpugut, oqaloqatigiinneq, suleqatigiinneq isumaqatigiinnerlu aqutissaapput.

Taamatut oqaaseqaateqarluta ATASSUT-mit Naalakkersuisut akissuteqaataat tusaatissatut tiguarput inassutigissavarpullu siunnersuut taamatut iluseqarluni itigartinneqassasoq.